

* فهرست لشرح البرکوی *

بیان الصفات السلیه	بیان الصفات الثبویه	ملائکه
۸۰	۲۳	۴۳
کتب الله	رسل الله	معراج
۴۸	۵۰	۷۳
ازواج محمد عم و اولاده	کرامت اولیا	عذاب قبر
۷۸	۸۰	۹۰
علامت قیامت	یا جوج و مأ جوج	دابة الارض
۹۲	۹۵	۹۶
قیامت	میزان	صراط
۹۷	۱۰۶	۱۱۱
حوض	جنت و جهنم	قضا و قدر
۱۱۲	۱۱۳	۱۲۰
ایمان و اسلام	دین و ملت	ایمان اجالی
۱۲۳	۱۲۴	۱۲۵
مقلد ک ایمانی	بیان	بیان فرض
۱۲۵	۱۲۵	۱۳۷
بیان واجب	بیان مباح	بیان حرام
۱۳۸	۱۳۸	۱۳۹
بیان مکروه	بیان سنت	بیان مستحب
۱۳۹	۱۳۹	۱۴۰
اخلاق ذمیه	اخلاق حمیده	تقوی
۱۴۵	۱۵۹	۱۷۵
آفات العین	آفات ید	آفات بطن
۱۷۹	۱۸۴	۱۸۶

آفات فرج	آفات رجل	آفات اللسان
١٨٦	١٨٧	١٨٨
آفات كفر	الفاظ كفر	وصايا لسالكى طريق
١٩٥	١٩٩	الآخرة ٢١١
مسبغات عشره	وصايا متعلقه بالمختصر	اسقاط صلوة
٢٢٦	والميت ٢٣٢	٢٤٨
حفر قبر	كفن وغسل ميت	صلوة ميت
٢٥١	٢٥١	٢٥٢
قرأت على القبر	كفارت يمين	تلقين
٢٥٥	٢٥٦	٢٥٧
ذيل وصايا	ابدستك فرضلى	ابدستك ستلى
٢٥٩	٢٦٦	٢٦٦
ابدستك مكروهلى	ابدستى بوزانلر	غسلك فرضلى
٢٦٧	٢٦٧	٢٦٩
غسلك سنلى	غسلك موجبلرى	نمازك طشره سنده اولان
٢٦٩	٢٧٠	فرضلر ٢٧٥
نماز ايچنده اولان فرضلر	نمازك واجبلرى	نمازك ستلى
٢٧٣	٢٧٤	٢٧٥
نمازك مكروهلى	نمازك مفسدلى	تحيات
٢٧٧	٢٨٠	٢٨١
قنوت	مسبغات عشره	احوال حيض ونفاس
٢٨٢	٢٨٤	٢٨٤



جوهره بهیه احدیه * فی شرح الوصبه المحمدیه

*** بسم الله الرحمن الرحيم ***
 جبع حد و ثنا واجب الوجود و کامل الاحسان و الجود اولان
 الله تعالى به مخصوصدرکه امت محمدیه بی اصولی دینی و فروع
 شرعیه ده سائر ائم سالفه سابقه اوزرینه تقضیل ایلدی و اهل سنت
 و جماعتی مذهب حقّه توفیق ایدوب زیغ و ضلالدن محفوظ ایلدی
 و صلوات متوالیه و تسلیات متتالیه اول افضل مخلوقات و مفخر
 کائنات شمس فلک نبوت و رسالت و فلک عالم سعادت و سیادت خاتم
 انبیاء و مرسلین و سید اولین و آخرین محمد مصطفی صلی الله تعالى علیه
 و سلم اوزرینه اولسونکه شمس دین متین و نور شرع مبینله جهانندن
 ظلمات کفر و جهالتی محو ایدوب امتی احیا و تنویر ایلدی و دخی
 آل و اصحابی اوزرینه اولسونکه ملت محمدیه و شریعت احدیه بی
 نقل و روایت ایلدیلر و دخی علماء دین اوزرینه اولسونکه شریعت
 مطهره بی اهل اسلامه تعلیم ایتدیلر * و بعد * بو عبد فقیر و حقیر
 قاضی زاده اسلامبولی احمد بن محمد امین رحمه الله تعالى دیر که علماء
 دیندن اولان شیخ تقی الدین محمد بن پیر علی البرکوی علیه رجه الملك
 القوی تألیف ایلدیکی و صبت نامه ذاتنده بر کزیده رساله شریفه

اولوب اصول دینه دن اکثر عقائد اهل سنتی مشتمل و علم اخلاق دن
 امهات محاسن اخلاقی حاوی و فروع شرعیه دن بلسی اهم مهمات
 اولان مسائل نفیسه بی جامع اولغله طالب سعادت و سالک آخرت اولان
 اخوان دین و خلان مخلص ایچون وسیله وصول سعادت اولوب
 اهل علم و ارباب صلاح عندنده بالاتفاق مدوح و معتبر اولغله طالب دین
 اولنلر اندن مستقید و مسترشد اولوب طریق حقیه وصوله سعی بلیغ
 و رغبت ایتملریله لکن بعض محلی حل و بعض مشکارینی ایضاح ایتمکله
 برفید شرحه محتاج اولدیغیچون بو عبد فقیر دن بعض اخوان آخرت
 افاده بی متضمن بر شرح عذب البیان و فصیح اللسان تحریرینی التماس
 ایلیوب اخوان مخلصینه خدمت و طلب رحمت و مغفرت ایچون
 بعون الله تعالی شرح مذکورک تحریرینه شروع و بعد الاتمام
 جوهره بهیه احدیه * فی شرح الوصیه المحمدیه * تسمیه اولندی
 اولامعلوم اولسونکله اهل تصنیف بیننده واجبدر که کابلیرنیک اولنده
 بسمله شریفه بی ذکر ایدوب تألیفلرینیک طاعت مقبوله اولمه سی حقنده
 اسم جلیل الشان وسیله سیله حق تعالیدن نصرت طلب ایدرلر بعده
 تألیف کتاب بر نعمت عظیمه اولوب اکاموفق اولدقلریچون حمله ایله
 بدأ ایدوب حق تعالی یه ثنا ایدرلر و دخی فخر جهان رسول الله صلی الله علیه
 و سلم دین اسلامی تبلیغ ایلمکده حق تعالی ایله قوللر بیننده واسطه جلیله
 القدر اولوب ظلمات کفر و جهالتدن خلاصه وسیله عظیمه اولدیغیچون
 اکا صلو و سلام ایدرلر و دخی ال و اصحاب رضوان الله علیهم اجمعین
 رسول الله ایله سائر اهل اسلام اراسنده دین اسلامی نقل و روایت ایتمکده
 وسیله اولدقلریچون انلری دخی ذکر ایدرلر مع هذا مصنف مرحوم
 رساله سنک اولنده بسمله و حمله بی ذکر ایلدی تا کیم کابی بر طاعت مقبوله
 اولوب نقصدن مبرا اوله و بویله بر تألیف جلیل القدره موفق اولدیغنه
 جد و ثنا ایلیه و قرآن عظیم الشانک اسلوب حکیمانه سنه موافق

وسلف صالحینک تألیفاتنه مطابق اوله بعده صلوة وسلامی ذکر
 ایلدی **تاکیم** رسول الله صلی الله علیه وسلمک بعض حقوقنی ادا
 وروز جزاده شفاعت عظیمه سنه وسيله اوله مصنف مرحوم اوله
 بسم الله الرحمن الرحیم دیدی بسم الله یعنی بن بوکتابک عبادت مقبوله
 اولمسنده حق تعالینک هر براسم شریفی استعانه سیه تألیفنه شروع
 ایده رم الرحمن اوله الله تعالی که کمال رحمت ایله موصوفدر رحمت
 اهل لغت عندنده رقت قلب معناسنه کلور بومعنا الله تعالی حقنده محالدر
 سلف صالحین رضوان الله تعالی علیهم اجمعین اصلی معلومدر وصفنی
 الله تعالی یلور دیوب تفسیر ایتدیلر کذلک ظاهر معناسی حق تعالی
 حقنده محال اولان صفاتلر و سائر عقل ونقل ایله معناسی معلوم اولیان
 آیات منشا بهات واحادیث منشا بهه نقدر وار ایسه جمله سنک معنای
 مرادینی حق تعالینک علمنه تفویض ایدوب تفسیر و تأویل ایتدیلر اما خلف
 علماسی زمانلرنده مشبهه و بخسسه کی اهل ضلالت ظهور ایتدیکچون
 هر بر منشا بهه مناسب معنی ایله تأویل و تفسیر ایتدیلر انک ایچون رحمتی
 انعام واحسان ایله تأویل ایدوب رحمن انعام واحسان ایدیمی دیمکدر
 دیدیلر اکر عالم دنیا به حل اولنور ایسه مؤمنلره و کافرلره نعمت و یریچی
 دیمک اولور الرحیم انجق آخرته اهل ایمانه نعمت و یریچی دیمک اولور
 یاخود رحمن ایکی جهاننه حل اولنور ایسه ایکی جهانک اولون نعمتلرینی
 و یریچی دیمک اولور رحیم انک تنه سی کی اولوب ایکی جهانک کوچک
 نعمتلرینی و یریچی دیمک اولور بو باده دخی معنی چوقدر الحمد لله یعنی
 هر بر حمد الله تعالی ید مخصوصدر حمد دیو اسانله تعظیم قصد ایله
 ثنا و ذکر جیل اینکه دیر لر بر جیل اختیاری نسنه اوزرینه
 نعمت مقابله سنده اولوق شرطد کلدرد الذی شویله الله تعالی که
 هدانا لاسلام بزمؤمنلری دین اسلامه هدایت و ارشاد ایلدی
 هدایت ایکی قسمدر بریمی هدایت عامه در عقل تمیز و رسول

و کتاب و یرمک طریقہ عامہ مکلفہ بوجدایت اولشدر و برسی
ہدایت خاصہ در علم نافع و عمل صالحہ توفیق طریقہ اولور ایمدی مطلق
ہدایتک معناسی اہل سنت عندندہ مطاوبک طریقہ لطیف الیہ دلالت
ایتمکدر اضلال انک ضدیدر بومعناجہ ہدایت حق تعالی بہ اسناد اولنور
اللہ الہادی کبی و رسولہ دخی اسناد اولنور * وانک آتہدی الی صراط مستقیم
کبی یعنی ای رسول ذی شان تحقیق سن امتی حقہ دلالت ایدر سین
و قرآنہ اسناد اولنور * ان هذا القرآن یہدی للی ہی اقوم * کبی یعنی
تحقیق شو قرآن کریم دلالت ایدر شول طریقہ کہ اول جملہ طریقہ لردن
طوغریدر اما حضرت شیخ اشعریک عندندہ ہدایت قوللردہ اہتدای
ورشدی خلق ایلک معناسنہ در بوضورتہ فی الحقیقہ ہدایت ایدیچی
انجق اللہ تعالی در و رسول و کتاب سبب اولور و دخی اسلام شرعہ ایمان
معناسنہ در اما دین الاسلام محمد صلی اللہ علیہ وسلم اللہ تعالی دن
تبلیغ ایلدیکی احکامک اسمیدر تعریفی بودر وضع الہی سائق لذوی العقول
باختیار ہم المحمود الی الخیر بالذات یعنی دین حق تعالی دن تعیین اولنمشدر
بوقیددن عادتلر و قانونلر چیقدی سائق لذوی العقول یعنی عاقلاری
سوق اید یجیدر بوقیددن حق تعالی ک سائر افعالی چقدی نباتات
ایجاد ایلک یاز وقش یراتق و غیر یلر کبی باختیار ہم المحمود یعنی
عاقلارک ارادہ جزئہ لر سبیلہ سوق اید یجیدر الی الخیر بالذات
مقصود بالذات اولان خیرہ سوق اید یجیدر دیمکدر اما دین امام اعظم
رحمہ اللہ عندندہ یانکز اعتقادہ متعلق احکامدرا کا اصول دیرلر و احکام
اصلیہ دیرلر نسخ و تبدیل قبول ایتز جمیع انبیاء علیہم السلام دیندہ متفقلردر
و اعمالہ متعلق اولانہ احکام شرع و فروع دیرلر و احکام فرعیہ و ظاہرہ در
و انبیاء کرامک علیہم السلام شرعیغلری مختلف اولمشدر و اشاعرہ عندندہ
دین و شریعت بر معنایہ در وجعلنا دخی اللہ تعالی بزوی قیلدی من امہ محمد
محمدک امتدن قیلدی علیہ الصلوۃ حق تعالی ک رحمت عظیمہ سی

وملائكة كرامك انواع تعظيم ايله استغفاری ومؤمنك دعای خیری
 وثناری محمدك اوزرینه در والسلام دخی جیع لائق اولیه جق
 نسنه لردن سلامت بولمق محمد علیه الصلوة والسلامك اوزرینه در
 معلوم اولسونكه بر پیغمبر طائفه یه کلدکده اول طائفه آنک امتی وجاعتی
 اولور ایمان کتورنلره امت اجابت دیرلر ایمان کتورمینلره امت دعوت دیرلر
 محمد مصطفی صلی الله تعالی علیه وسلم آخر زمان پیغمبری اولوب انسه
 وجهه مرسل اولمشدر نقدر انس وجن وارایسه آنک امتیدر ایمان
 کتورنلر امت اجابتیدر وایمان کتورمینلر امت دعوتیدر وامت اجابت
 بحسب الاعتقاد بر روایتده یتش اوج فرقه اولمشدر بفرقه سی اهل
 نجاتدر که آنلره اهل سنت وفرقه ناجیه دینور ماعداسی اهل ضلالدر
 والصلوة حق تعالینک رحمت کامله سی وملائكة کرامك انواع تعظیم
 ايله استغفاری ومؤمنك دعای خیری وثناری والسلام دخی سلامت
 عظمیه علی جیع الانبیاء والمرسلین جمله پیغمبرلر ومرسللر اوزرینه در
 نبی ومرسل معناری ان شاء الله تعالی محملنده ذکر اولنور خصوصاً منهم صلوة
 وسلام انبیاء ومرسلیندن مخصوصاً علی افضل المخلوقین جمله مخلوقک
 افضل اوزرینه در که محمد اول محمد علیه الصلوة والسلامدر جمله دن
 افضل اولمق محمد علیه الصلوة والسلامك صفات خاصه سنددر ان شاء الله
 تعالی محملنده ذکر اولنور وآله دخی صلوة وسلام محمد علیه الصلوة
 والسلامك آل اوزرینه در آل دیمک اهل قرابت دیمکدر آل عباس وآل علی
 وآل جعفر وآل عقیل وآل حارث بن مطلب کبی یاخود ملت محمدیه یه
 تابع اولنلر دیمکدر وصحبه اجمعین ودخی اصحابی اوزرینه در اصحاب
 شول مؤمنلردر که رسول الله صلی الله علیه وسلمک وقتنده بولنوب
 پیغمبری کور مشلردر یاخود پیغمبر علیه الصلوة والسلام آنلری
 کور مشلردر اما شول مؤمنلر که اول زمانده بولنوب کور شمسک مپسر اولیه
 آنلره محضرم دینور بعض علما عندنده محضرمون اصحابدندرو بعض

علماء عندنده کبار تابعیندر قول مختار بودر ابن حجر عسقلانی اصول
 حدیثه بونی تصحیح ایلدی اما بعد بسمله بی وجدله وصلوه له بی
 ذکر ایتد کدنصکره فهذه سورسالة شریفه وصية الفقیر
 حق تعالینک مغفرتیه ورحمتیه زیاده سیله محتاج اولان مصنف مرحومک
 وصبتی وامریدر که آخر عمرنده امور دینیه ده اهم اولان مسائل شریفه بی
 جمع ایدوب کندویه واخوان دینه موجبیه عمل ایتکی تنبیه واصمرا لشدر
 ابوحنیفه مذهبنده فقیر دیونصابدن اقل نسنه یه مالک اولانه دیرلر
 مسکین دیو هیچ نسنه سی اولیه نه دیرلر امام مالک مذهبنده ده بودر امام
 شافعی وامام احمد مذهبلرنده بونک عکسیدر وابوحنیفه دن برروایتده
 بویله در الحفیر اویله فقیر که ذلیلدر مصنف مرحوم کندونفسنی
 هضم ایچون وحق تعالیدن زیاده مغفرت ورحمت طلبی ایچون کندوسنی
 فقیر وحقارت ایله وصفلدی نته کم کماللرک عادتی بویله در
 المعترف بالعجز والتقصیر اویله فقیر وحقیردر که مقام عبودیتده عاجز
 اولدیغنی وحق تعالینک ویردیکی نعمت جلیلله لری مقابله سنده شکر
 ایتمکدن قاصر اولدیغن اقرار ایدیمجدر حق تعالی یه شکر ایتمکدن
 عجز وقصور اظهار ایتک بیوک شکر اولدیغیچون مصنف مرحوم
 کندوبی عجز وتقصیر اعترافیه وصفلدی شاگردن اولمق ایچون
 محمد بن بیرعلی مصنف مرحومک اسمی محمد در وباباسنک اسمی علی در
 عفی عنهما العفو العالی کندوسندن وباباسندن عفو وعلو صفتلریله
 موصوف اولان الله تعالی عفوایلسون لنفسه بوکرزیده وصبت کندو
 نفسیچون ولجميع المكلفين وسائر عاقل وبالغ اولان مؤمنلر ایچون
 بروصبتدر کتبها مصنف مرحومبو وصبتی جمع وتالیف ایدوب یازدی
 بالترکیة ترکی لسانله یازدیکه ایعم نفعها بو وصبتک جمله مؤمنلره
 نفعی شامل اولسون دیو اگر عربجه اولسه یالکز عالملا کلر امارتجه
 اولدقه سائر مؤمنلردخی انتفاع ایدرلر فی نفس الامر مرحوم بورسالة

شریفه بی بر اثر جلیل ایتشدر که جله ممالك اسلامیه ده مشهور اولوب
 صغیر و کبیر اندن دین و عمل او کر نور لر رحمة الله علیه بیان صفات سلبیه
 مصنف رحمة الله تعالی حق تعالی حضرت تیرینک صفات سلبیه سی بیاتی
 صفات ثبوتیه بیاتی اوزرینه تقدیم ایلدی زیر انقایصدن تنزیه ایلک
 صفات کمال ایله توصیفدن مقدم اولور معلوم اوله که صفات اعتباریه التیدر
 بریسی وجود در وارا اولق معناسنه دراکا صفت نفسیه دینور ذات جلیله
 انسر تصور اولمندیغیچون و بشینه صفات سلبیه دینور که بونلدر قدم
 بقا قیام بنفسه وحدانیت مخالفة للحوادث بونلرک معنارنده سلب
 ونفی بولندیغیچون صفات سلبیه دینور زیر اقدم معناسی وارلغنک اولی
 اولماق دیمکدر بقا وارلغنک آخری ونهایتی اولماق دیمکدر قیام بنفسه
 ذات جلیله سی قائم و ثابت اولمقده بر مکانه محتاج اولماق دیمکدر وحدانیت
 بونک معناسی ایکی قسمدر بریسی وحدة ذاتیه عامددر که اجزاسی اولماق
 معناسنه در و بریسی وحدة وصفیه خاصه در که ذاتنده وصفاتنده
 و افعالنده نظیری و شریکی اولماق صفات کمالیه اکام مخصوص اولوب
 بر ذاتنده دخی اویله صفة کامله اولماق مثلاً واجب الوجود بالذات اولق
 و آنک حیات و علمی و قدرتی و سایر صفات ثبوتیه سی کی بو صفاتلر بر ذاتنده
 دخی بولمیبونلرک الله تعالی به مخصوص اولق وحدة وصفیه نک
 معناسیدر الله واحد دیمک معناسی لاشریک له و لا نظیر له دیمک معناری بودر
 و توحید شرعی بو وحدة وصفیه بی بویله اعتقاد ایلکدر مخالفة
 للحوادث معناسی مخلوقاته مشابه اولماق حق تعالینک ذات جلیله سی
 وصفات جمیله سی مخلوقاتک بر یسبنک ذاتنه وصفاتنه بکرمز و اوصافی
 امکندن مزه در و دخی معلوم اوله که مصنف مرحوم بو مقامده صفات
 سلبیه و صفات نفسیه لری مبتدیلره تفهیمی آسان اولان اسلوب اوزره
 تعبیر و تفسیر ایلدی و دیدی اول و صبتم اولدر که یعنی اخوان دینه
 جله و صبتلردن اول و صبتم و افرم و نصیحتم اولدر که ایدم لر شهادت

یعنی آنرا قبل بر این تصدیق ولسان بر این اقرار اید که باید که یعنی بن
 تصدیق و اقرار اید که عبادت لایق و مستحق یعنی کند و به تذلل
 و خضوع و انقیاد و سایر عبادات قولیه و فعلیه و مالیه اید عبادت اولمغه
 لایق دانسته مستحق کسب یوقدر بر ذات اصلا معبود اولمغه مستحق
 دکلدر الا الله تعالی وارد در جمله عبادت و طاعت را کالایقدر زیرا اول
 جمله بی خالق قدر اول مخلوقات کند و به تذلل اقتضایدر و عقلاک انواع
 عبادت مستحق اولور حق تعالی که وارفتنه جمع مخلوقات دلیل در
 معلوم اوله که حق تعالی که معرفتی تحصیل ایچون مخلوقات نظر و تفکر
 ایملک عقلا اوزرینه شرعا و اجبر نه کیم حق تعالی بیورر * قل انظروا
 ما ذی السعوات و الارض * یعنی ای رسولم خلقه دیکه نظر اید بکن یوجه
 کوکلدره و پرلده اولان عجایب مصنوعات کور و خالق و ارلغنی
 و کالائی تصدیق و اقرار اید بکن دیک اولور و بر آیه کریمه ده دخی
 ان فی خلق السموات و الارض و اختلاف اللیل و النهار لآیات لاولی الالباب
 یعنی تحقیق کوکلری بواسطه عجیب اوزره ایجاد اید و بری اوستنده
 قبه کی ترتیب اولوب و بلور کی شفاف و براق و نیچه کواکبه زینت
 و یریلوب و شمس و قمر اید جهان منور قلمقده در که انده در یار و ایرمقلر
 ایجاد اولوب و نیچه مملکتلر و شهرلر اید یلوب هر برنده بی آدم و سایر
 حیوانات ساکن اولوب و نیچه صحرال و مزرعه ل و باغچه ل و بوستانلر
 خلق اولوب و انلردن انسانه و حیوانه رزق ایجاد اولمقده و جهان
 ایچنده کیجه اولوب جمله خلق قرانلقده قالب کوندوز اولدقده جهان منور
 اولوب خلق مطلوب بلرینه سعی اید و مقصود لر بی کسب اید لر و کیجه
 کاه اوزون کاه قصه و کوندز کاه اوزون و کاه قصه اولوب و بر برلری
 عقبنجه کلمه عاقللر ایچون نیچه علامتلر و دلیللر وارد که حق تعالی که
 وارفتنه و قدرته و علمنه و ارادته و رزاق اولدیغنه و وجدانیتنه دلالت
 عقلیه قطعیه اید دلالت ایدر دیکدر بر آیه کریمه نازل اولدیغنی وقتده

رسوالله صلى الله تعالى عليه وسلم شويله بيورديكه * ويل لمن قرأها
ولم يفكر فيها * يعنى ويل وهلاك شوند كه بوايه كريمه بي قرأت ابدوب
مخلوقاتده تفكر ايتيه ايمدى بوايه كريمه و امثالنه نظر و تفكر ايلين كسه
حقننه اولان بوحديث شريفده كى وعيد شديد معرفه الله تحصيلي
ايچون نظر و تفكر ايتك واجب شرعى اولديغنه دليلدر معتزله عندنده
وجوب عقلى ايله واجبدرد و دخی معرفتن مراد حق تعالينك وجودينى
وصفات كالميه سنى تصديقدر و بومعرفت نظر صحيحه حاصله اولور
استادك ارشادينه حاجت اولمزننه كيم بعض اعرايدن معرفه الله سؤال
اولندقدن ديمشكى البعرة تدل على البعير * و آثار الاقدام على السير * افسماء
ذات ابراج و ارض ذات ججاج لايدلان على اللطيف الخبير * يعنى دوه آتارى
كار بانه دلالت ايدرا يا قرا آتارى بورغمش طريقه دلالت ايدر بورجلر صاحبي
كوكار و اولو يوللر صاحبي يرلر لطيف و خير اولان الله تعالى به دلالت ايترمي
اسما عليه طائفه سنك امام معصوم ارشادينه محتاجدر ديد كلرى باطلدر
صاحب شريعتك تعليم و تبليغ ايتديكى و قرآن كريمك بيانى كفايت ايدر
و عقائد اسلاميه شرع شريفدن اخذ اولنور معتبر اولور سبب نجات
اولسون ايچون و دخی بومعرفت جمله واجبلر و فرضلردن مقدم فرضدر
واما حق تعالينك كنه ذات جليلنى بيطك ممكنيدرد كليدر اختلاف وارد
امام الحرمين و آنك امثالى اهل تحقيق محالدر ديديلرو بعضيلر ممكندر
لكن واقع دكلدر ديديلرو بعضيلر دنياه واقع اولمزن لكن جنتده وقوعى
ظن غالبدر اسام فخر الدين بعض كابلرنده شويله ذكر ايلديكه حق تعالينك
واراغنى آشكاره در تفكر ايتكه محتاج دكلدر ننه كيم حق تعالى بيورر
افى الله شك فاطر السموات والارض * يعنى يرلى و كوكلرى خلق ايديجى
اولان الله تعالينك واراغنى شول قدر آشكاره در كه اصلا شك اولمغنى
قبول ايتمز ديمكدر شريكى يعنى ملكنده و تصرفاننده و افعالننده اورمغنى
و نظيرى يعنى ذات جليله سنده و صفات عليه سنده مثلى واكابكر بر ذات

یوقدر اولسی دخی ممکن دکلدر بو کلام وحدانیت معناسنی افاده ایدر
 وحدانیتی اثبات املکده دلیل عقلی و دلیل نقلی ذکر ایده رز دلیل عقلی
 شویله ذکر که اگر ایکی اله اولیدی پینلرنده ممانعت و افعالرنده مخالفت ممکن
 اولور ایدی یوقدر برجه برنسنه نک بریسی وجودینی و بریسی عدمی
 مراد ایلسه مثلاً ایکی ضد بر لحظه ده بولمق لازم کلور بو ایسه باطلدر
 و یا خود ایکسینک دخی مرادی اولسه ایکسی دخی عاجز اولمق لازم کلور
 عجز ایسه اولوهیته منافیدر بودخی فاسددر یا خود بر یسینک مرادی
 حاصل اولوب بر یسینک اولسه عاجز اولمق لازم کلور عاجز اولان اله
 اولزه فرض اولنان اله اولمق لازم کلدی بودخی باطلدر حق تعالینک
 جمیع افعالی و مخلوقاتنی نظام واحد اوزره اولوب اختلا لدن عاری اولدیغی
 دلیل قاطعدر که اله العالمین بر در شریک و نظیر و معارضدن منزهدر
 و دخی غیر دلائل عقلی واردر حق تعالینک وحدانیتی مسئله سی ضروریاته
 ملحق اولدیغی چون علما رجهم الله تعالی اکثر تألیفاتلرنده دلیل ذکر
 اینزلر اما دلیل نقلی حق تعالی بیورر * فاعلم انه لا اله الا الله * یعنی سن
 بلکه تحقیق شان الله تعالیدن غیری اله یوقدر * والیهکم اله واحد ای
 قوللرم سنک معبودیکز بر اله در * لا اله الا هو * اندن غیری اله یوقدر
 و دخی قرآن کریمده وحدانیت حقنده چوق آیات عظام واردر که
 رب العالمین جل شانہ بر در شریکدن و نظیردن منزهدر * لبس کتمله شی
 حق تعالینک مثلی یوقدر و اولمق دخی ممکن دکلدر مصنف مرحوم
 مشرکری و مشبه طائفه لرینی رد ایلدی اما مشرک لرایکی قسمدر بر قسمی
 الوهیتده مشرک لدر و بر قسمی عبادتده مشرک لدر الوهیتده مشرک لدر
 بر قاج صنفدر بریسی محوسیدر انلر شویله زعم ایتدیلر که حاشا خالق ایکیدر
 بریسی خیری خالقدر کا بز دان دیدیلر و بریسی شری خالقدر کا اهر من
 دیدیلر و بر صنفی طبایع یوندر انلر شویله زعم ایتدیلر که مؤثر در تدر حرارت
 برودت رطوبت بنوست بونلر اشیا ده تأثیر ایدر دیوب صفیات قدرت

وتكونينه مشرك اولديلو و برصني دخي افلاكيوندر انلر شوييله زعم ايتديلر كه
 جهانده مؤثر بيدير ديوب زخيل ومشتري و مريخ وزهره و عطارد و شمس
 و قريبلد زليني احوال عالمده مؤثر و متصرف اعتقاد ايتديلر بونلرك
 مذاهب فاسده لري باطله اولديغي اهل ايمان عندنده ظاهر در اما عبايدنده
 مشركلر اصنامه طيانلردر كه كال مرتبه جهانلندن ناشي كندى يابد قلري
 پوتلره عبادت ايدوب بونلر بزي حق تعالى به قريب ايدوب عندالله بزره
 شفاعت ايدرلر زعم ايدرلر نصارى طائفه سنك مشهورى اوج فرقه در
 بونلر شوييله زعم ايتديلر كه حق تعالى جوهر در كه انك اوج اقنومى واردر
 جوهر دن مراد لري قائم بالذات ديمكدر واقنومدن مراد لري صفتدر يعنى
 وجود و حيوة و علم صفتلرينه اقاينم ديديلر وجوده اب ديديلر و حيوة
 روح القدس ديديلر و علمه ابن ديديلر بونلرك بفرقه سى ملكائيه در شوييله
 زعم ايتديلر كه علم صفتي عيسى عليه السلامك جسدينه حلول ايدوب
 ياغله سود امتزاج ايتدكلرنى كبي امتزاج ايتشدرد ديديلر و بفرقه سى
 يعقوبيه در انلر شوييله زعم ايتديلر كه علم اقنومى حضرت مريم عليها
 السلامك فارنده مات وقان وسائر اعضايله انسان صورته كيه وب دنياه
 كلشدرد كه عيسى عليه السلامدر علم اقنومك عيسى اووب همان كنديسى
 اللهدر ديديلر تعالى الله عن ذلك علوا كبيرا و بفرقه سى نسه نوريه در
 انلر شوييله زعم ايتديلر كه حق تعالى عيسى عليه السلامده اشرا انيتشدرد
 كونس بالور اوزرينه ضيا و يروب اشراق ايتديكي كبي و بعضر فرقه لري
 دخي شوييله زعم ايتديلر كه ملك انسان شكلنه كيرديكي كبي حق تعالى دخي
 انسان شكلنه كيروب دنياه ظهور ايتشدرد كه اول عيسى عليه السلامدر
 ديديلر اهل انجيك ملا حده سى نومذهب باطللري احداث ايدوب كابلرينه
 يازوب اصحاب عيسايه اسناد و بهتان عظيم ايتديلر بونلرك جمله سى كافرلر
 اولدقلرينى حق تعالى قرآن كر يمنده ذكر ايتلشدرد ننه كيم بيورر * لقد
 كفر الذين قالوا ان الله ثالث ثلاثة * يعنى تحقيق كافرلر اولدى شول نصارى

طائفه سی که الله تعالی اوج نسنه نک بریسیدر دیدیلر بونلر ملکا ئیه در که
وجود اقنومی اللهدر حیوة اقنومی روح القدسدر یعنی جبرائیلدر علم
اقنومی عیسادر دیدیلر حق سبحانه و تعالی بونلری غایتده رد ایدوب
وما من اله الا اله واحد * دیوبیوردی یعنی هیچ اصل الله تعالیدن غیر
اله یوقدر و برآیت کریمه ده * لقد کفر الذین قالوا ان الله هو المسيح ابن مریم
یعنی تحقیق کفر ایتدی شول یعقوبیه طائفه سی و انلر کیلر که انجق الله
تعالی مریم اوغلی مستحدر دیدیلر زیر اعنسانک کند یسی اللهدر دیدیلر
و یمک بدی و صوابجدی و کیندی و قوشاندی و آنه دن طوغدی و صورتی
و شکلی اولوب انسان اولدی و صفات انسانیه انک حقنده موجود اولدی
دیدیلر اما مشبهه و محسمه طائفه لیکه بونلر دن بر طائفه رزیه در حق تعالی بی
اتدن و دریدن و قانیدن مرکبدر دیوب انسان صورتده در دیدی و کبسی
کنج اوغلان صورتده در دیدی و کبسی قوجه مش کشتی صورتده در
دیدی و کبسی نور دندر لکن گندی قارشیلاییدی قارشددر دیدی و کبسی
یوقاری طرفده عرش اوزرنده در دیوب بر مکاندن بر دکانه حرکت وانتقال
ایلمسی جائزدر دیدی و کبسی عرش اوزرنده اولوب عرشک هر طرفه دن
درت پرمق مقداری یوکدر دیدی و عرش آنک آلتنده صدا و یروب یکی
سمراوزرینه آغریوک قونسه نیجه صدا و یروب غیر دارایسه اویله جه
غیجهر دار دیدی و کبسی یوقار و طرفده در انک ایچون دعا نک قبله سی اوست
طرفدر دیدی و شیعه طائفه سنک اشقیالری حق تعالی علی به رضی الله عنه
واولادینه حلول ایلدی دیدیلر و ملا حده و اتحادیه و حلولیه طائفه لری
حق تعالی وجود مطلقدر و اشیا ایلله متحددر دیدیلر و کنج اوغلانلره نظر
ایدوب انلرده بنجال الهی کوریز دیرلر انلرک دیدیکلری وجود مطلق امر
موهومدر اصلی یوقدر غایتده باطل مذهبدر بو وجود مطلق دید کلری
اجزادن مرکبدر حادثدر خیال فاسد صاحب لری بو مذهبی پیدا ایتدیلر امدی
مصنف مرحوم بو ذکر اولنان طوائف رزیه لری رد ایدوب دیدی لباس کپدن

و قوشاق قوشانمه دن و یمک یمه دن و صوایچه دن و بونلرک لازمی
 اولان اویقو اویومقدن و آنه دن طوغدن و کندیس قیز وارکک
 اولاد طوغرمه دن و کندیس عورتدن یعنی زوجه سی اولدن
 و قیزدن و اوغلانیدن منزهدر یعنی قیز و اوغلان اولادی یوقدر بونلرک
 جله سندن عاریدر و بریدر ایدمی یعقوبیه و ملکایه و مجسمه طائفه لرخی
 مصنف بو کلامله رد ایلدی و عبده اصنامی دخی رد ایلدی زیر انصارادن
 یعقوبیه طائفه سی عبسی علیه السلام الله تعالیدر دیدیلر و لباس کینور
 و قوشانور و یمک بر و صوایچه و اویقو و یوردیدیلر زیر حضرت عبسی ده
 بوصفتلر وارد و آنه دن طوغدی ایدی و ملکایه ایله یهود طائفه سی
 دخی رد اولندی زیر املکایه طائفه سی عبسی علیه السلام حق تعالینک
 اوغلیدر و مریم خاتونیدر دیدیلر و یهود طائفه سی عزیر علیه السلام
 حق تعالینک اوغلیدر دیدیلر نته کیم قرآن کرمده ذکر اولنور
 و قالت اليهود عزیر ابن الله * یعنی یهود طائفه سی عزیر حق تعالینک
 اوغلیدر دیدیلر * و قالت النصارى المسيح ابن الله * و ملکایه نصاراسی
 عبسی علیه السلام حق تعالی خضر تلیزینک اوغلیدر دیدیلر حق تعالی
 بونلری رد ایدوب بیوردی * ما اتخذ صاحبه و لا ولدا * یعنی حق تعالی
 خاتون ایدنمدی و اوغل و قیز اولاد ایدنمدی و عبده اصنام طائفه سی
 ملائکه حق تعالینک قیزلریدر دیدیلر حق تعالی بونلرک جله سنی
 رد ایدوب بیوردی * قل هو الله احد * یعنی رسول حق تعالینک
 وصفدن سوآل ایدنلره دیکه الله تعالی ذاتنده بر در انقسام قبول اینمز
 الله الصمد * الله تعالی به جله کائنات هر حالده محتاجدر و جله خلق
 انک فقر اسیدر * لم یلد * حق تعالی ارکک و قیز طوغورمدی * ولم یولد
 و کندیسنی آنه دن طوغنمدی بونلر نصاری ایله عبده اصنامی رددر نته کیم
 مذهب لری ذکر اولندی * ولم یکن له کفو احد * و دخی برشی حق تعالی به
 کفو و شریک و نظیر اولندی بو کلام مشرک لری و مشبهه و مجسمه طائفه سنی

رددرای عاقل نظرایت مصنف مرحوم بوقایل کلامه بوقدر طوائف
 مختلفه باطله نک رینه اشارت ایلدی رجه الله علیه رجه واسعه
 وحق تعالی بی بونلرک عقائد باطله سندن تنزیه ایدوب اعتقاد حق اهل
 ایمانه بیان ایلدی بویله جه نقصان صفاتلر حق تعالی حقنده محال
 اولدیغنی بیان ایدوب پیوردی بونسنه لر یعنی کیمک وقوشاق
 قوشاق ویمک وایچمک وایومق ووطنق ووطوغورمق وعورت آلمق
 واولق وقر اولادی اولق ائده اولمز حق تعالیده بوصفاتلر
 یوقدر واولق دخی ممکن دکدر زیرا بوصفاتلر مخلوقلرک
 صفاتلریدر مذهب اهل سنتده حق تعالینک ذات جلیله سی وصفات
 جلیله سی سائر ذاتلردن و صفاتلردن بالکلیه ممتاز و مفایدر و اصلا برسنیده
 بکن مز و کائناتک صفاتندن و احوالندن مزهدر جمهور معتزله عندنده
 حاشا حق تعالینک ذات جلیله سی سائر ذاتلرکی اولوب واجب الوجود
 اولق وحی اولق وعالم اولق وقادر اولق صفاتلریله فرق اولتوردیدیلر
 و ابو هاشم معتزلی سائر ذاتلردن فرقی اولوهیته در دیوزعم ایلدی
 حق تعالی قرآن کریمده پیوردی * لبس کینله شی * یعنی حق تعالینک
 هیچ منلی یوقدر منلی اولق ممکن دکدر کوکده و یرده دکدر مکاندن
 مزهدر زیر امکان دیوشول بعد موهومه دیرلر که جسم اکاداخل اولور
 حق تعالی جسم و جسمانی اولمقدن بریدر مکان وزمان انک شاننه محالدر
 و جسمک خواصندن مزهدر مصنف حق تعالی تنزیه مقامنده
 تفصیل ایدوب وجهت اثبات ایلین طائفه باطله بی رد ایچمکه زیاده اهتمام
 و اعتقاد حق تفهیم ایچون بسط کلام ایدوب دیدی صاعده و وصولده
 وارکده وارنده و اوسته والتده دکدر بونلره جهت و طرف دینور یعنی
 حق تعالی برکسه نک صاع طرفنده یا خودصول طرفنده یا خود اول طرفنده
 یا خود آرد طرفنده یا خود اوست طرفنده یا خود آلت طرفنده دکدر زیرا
 بواطراف اجسامک خاصه سندنر حق تعالی جسم و جسمانی اولمقدن

مزهدر و طرفده اولمقدن دخی مزهدر ظاهر یون طائفه سی
 حق تعالی به جهت اثبات ابتدای حق بن ابی تیمه و اتباعی شویله زعم ابتدای که
 حق تعالی اوست طرفده در دیوب و اوست طرف دعا لک قبله سیدر
 حق تعالی اوست طرفده اولد یغیچون دعا اولند قده اکا توجه اولنور
 دیدیلر و شرع محمدی کعبه مکرمه بیت الله اولدیغنی اثبات و عبادتده
 قبله اولدیغنی بیان و تعیین ابتدای کی حق تعالی دخی اوست طرفده
 اولدیغنی بیان و تعیین ایلشدر دیدیلر و اهل سنت عندند عبادتک
 و دعائک قبله سی کعبه مکرمه در و حق تعالی جله اطرافده اولمقدن بریدر
 بجهتدن مزهدر حق تعالینک صاغی و صولی و اوکی و آردی و اوستی
 و الی یوقدر زیر بونلر جسمده اولور حق تعالی حقند محالدر و دخی
 مصنف رحمه الله علیه مجسمه و مشبه و حلولیه طائفه لرینی ردایلر
 دیدی صورتدن یعنی انسان و غیره مخلوق صورتنده اولمقدن و شکلدن
 اوژون یا خود قصه یا خود درت کوشه لی و یاغیری قیافتده اولمقدن
 ورنکدن یشل یا خود قرمزی و یاغیری طرزده اولمقدن و اعضادن مثلا
 باش و دماغ و قولق و بکاق و کوز و قاش و دیل و جکه و اغر و دیش
 و طوداق و ال و قوللر و پر مقلر و ایاق و بالدر کی نسنه لردن مزهدر
 بو کلام ایله مجسمه و مشبه طائفه لرینی ردایلدی زیرا انلر صورت و اعضا
 اثبات ایدوب بکسی کج اوغلان صورتنده در و بکسی قوجه مش
 کسه صورتنده در و بکسی یدی قارشیدر دیدیلر نته کیم یوقار و ده
 بیان اولندی معلوم اوله که آیات قرآنیه و احادیث نبویه و واقع اولان
 مناسبات مثلا * الرحمن علی العرش استوی * و هو القاهر فوق عباده
 ید الله فوق ایدیهیم * و غیر یلر کیلری سلف صالحین رحمه الله تعالی
 تفسیر ایتوب معنای مرادینی حق تعالینک علمنه حواله ایدوب مرادینی
 الله تعالی یلور دیدیلر بو طریق اسلدرننه کیم حق تعالی بیورر * و ما یعلم
 تأویله الا الله یعنی مناسبات اولنلرک معنای مقصودینی انجق الله تعالی یلور

بکرمی طغوز سوره نك اولنده اولان کلمه که مثلاً * الم که بعضی بس حم
 و غیر یلر مشابها تندر و خلف علماسی زجه هم الله تعالی زمانلرنده فرق
 ضاله محسمه و مشبهه کبیر چوق اولدیغیچون مشابها ته ظن طریقله
 مناسب معنایله تأویل ایندیله اهل ضلالی رد و مؤمنلرک اعتقادلرینی حفظ
 ایچون مثلاً لایلفظنه قدرت و نعمت معناسیله تفسیر ایدوب استوایه استیلا
 و محافظه معناسی و یردیلهر بو طریق احکمدرد و دخی معلوم اوله که بورایه
 کلتجیه دك مخالفت للمواد نك معناسیدر وارلغینک اولی و ابتداسی
 و آخری و نهائی یوقدر وارلق دیمک وجود معناسنه در و صفات
 نفسیه در اولی اولمق قدم صفاتنک معناسیدر و آخری اولمق بقا صفاتنک
 معناسیدر وارلغی کند و دندر غیریدن دکلدرد مصنف رجه الله تعالی
 بو کلامی دیمسه ایدی کوزل اولور ایدی یوقار و ده کی کلامندن حق تعالینک
 قدیم و باقی و واجب الوجود اولدیغی معلوم اولدی ایدی بو کلامه حاجت
 یوق ایدی و بو کلامدن بریا کیش نسنه اکنور که حاشا حق تعالی وارلغی
 کند یسی پیدا ایتمش اکنوب وجودی صکره دن عارض اولمش معناسی
 خاطره کتور ربوایسه باطلدر زیرا حق تعالینک وارلغی از لیدر و ذات
 جلیله سنک صفات نفسیه سیدر واجب الوجود در اگر مصنف وارلغی
 ذات جلیله سنک لازمیدر و از لیدر ذاتندن ایرلسی محالدر دیسه ایدی
 کوزل اولور ایدی ذات شریفی بر حال اوزره ثابتدر بو کلام قیام بنفسه
 صفاتنک معناسیدر که قائم و ثابت اولمقده مکانه محتاج دکلدرد حال دیموب
 ذات شریفه سی دوام اوزره ثابتدر دیسه ایدی کوزل اولور ایدی حال دیو
 عارض نسنه دیه یرلر مصنف رجه الله تعالی تنزیها تده اهتمام ایدوب خاطره
 کلن اوهام و وسوسه یی بالکلیه دفع ایچون بسط کلام ایدوب انسانک
 ایچر و سنه عارض اولان نسنه لردن حق تعالی بی تنزیه ایلدی و دیدی
 خسته اوله دن وسائر اغری و صانچی و حزن کبی نسنه لردن
 و غصه لنه دن مرادی حاصل اولوب غم چکمه دن و پردشمندن

ضرر اصابتدن قورقه دن و تغیر اتدن الوهیت زوال کله دن وصفات
 کمالیه سنه نقصان و ضعف عارض اولدن و افعاله و امرینه و حکمنه
 معارض پیدا اولمده دن و خلل کله دن جمله سندن بریدر اکسکلک
 صفاتلرندن جمله بریدر جمله کمالاتی ازلیدر عجز و قصور و جهل و ضعف
 و یوق اولق و عیب و سائر الوهیت لایق اولمیان صفاتلرندن منزهدر
 جمله عالم یوغبکن اول واریدی عالم دیو مخلوقاته دیر علامت معناسنده در
 مخلوقات حق تعالینک و ارلغنه علامت اولدیغیچون عالم دینلدی مصنف
 رحمه الله تعالی بو کلامه فلاسفه مذهبی رد ایلدی زیر انلر هیولی
 و کوکلر و عقول عشره و نفوس تسعه قدیملر در دیدیلر اهل حق شویله
 تحقیق ایتدیلر که حق تعالینک ذات جلیله سندن و صفات کمالیه سندن
 ماعدا قدیم یوقدر بو کائنات حق تعالینک ایجادیله صکره دن وارا اولمشدر
 هیچ کسبه یه محتاج دکدر حق تعالی زاتنده و صفاتنده غنیدر مخلوقاتی
 محتاج اولدیغیچون خلق ایتدی بلکه کمالاتی اظهار و وارلغنی خلقه
 بلدر مک ایچون یراندی بعض ملاحده شویله زعم باطل ایتشیر که حق تعالی
 مخلوقاته محتاجدر دیوب العیاذ بالله تعالی نقصان صفاتی اثبات ایتدیلر
 و بعض کافر ل شویله زعم ایتدیلر که حق تعالی فقیردر بزر اغنیایز دیدیلر
 بو کلامه مصنف رحمه الله تعالی انلری رد ایلدی و حق تعالی کلام
 قدیمده بیوردی * یا ایها الناس اتمم الفقراء الی الله والله هو الغنی الحمید
 یعنی ای انسان سز لهر حالده حق تعالی یه محتاج لرسز و انک فقراری سز
 حق تعالی جمله دن غنیدر و ذاتنده صفات کمالیه ایله متصفدر و جدو ثنا
 اکا مخصوصدر برآیه کریمده * ان الله غنی عن العالمین * یعنی تحقیق
 الله تعالی جمیع کائناتدن غنیدر جمله عابدلرک عبادتلرینک ثوابی کندیلر
 واصل او اور و عاصیلرک عصیان و عقوبتی کندیلر واصل اولور
 عجزدن بریدر حق تعالی قدرت کامله ایله متصفدر جمیع کائناته کوجی
 یتشور اصلا برسنه بی یرتمده عاجز و ضعیف اولمز دیلسه بو جمله عالمی

برآنده یوق ایدر زیرا بو کائنات وارا اولمغی و یوق اولمغی قبول ایدیجیدر
 حق تعالی کمال ارادت و کمال قدر تله موصوفدر وارا اولمسنی دیلدیکی البته
 وار اولور و یوق اولمسنی دیلدیکی البته یوق اولور برنسنه اکا مخالف
 ایده مزجله اشیا انک حکمنه مسخردر و دیلسه کیرو برآنده وارا ایدر بونلرک
 ذاتلری وارلغی و یوقلغی قبول ایدیچی اولدیغیچون حق تعالی انلری
 دیلسه وارا ایدر و دیلسه یوق ایدر مصنف رحمه الله تعالی فلاسفه پی رد
 ایلدی زیرا دیدیلرکه برشی یوق اولدقد نصکره کیرو وار اولمسی محالدر
 دیو کائناتک ماده لری بالکلیه یوق اولمسی محالدر دیدیلر اهل حق شویله
 تحقیق ایتدیلرکه کائنات ممکن الوجود اولوب وارلغی و یوقلغی قابلدر
 ذاتلری و صفاتلری هیچ یوق ایکن حق تعالی انک یرا تمسلیله وارا اولمسلردر
 حق تعالی دیلسه نیچه کره بونلری وار و یوق ایلسه ممکندر واکا هیچ
 برنسنه کوج کلز واکر برنسنه اکا کوج وزجتلی کلسه عاجز و ضعیف
 اولق لازم کلور اول ایسه حق تعالی حقنده محالدر زیرا عجز و ضعف
 و یورلق صفة تقصیر و مخلوق صفتیدر حق تعالی اندن منزهدر بعض
 مخلوقاتی تدر یجمله یرا تدیغی عجز ندن و قدرتی تیز یرا تمغه یتشمدیکندن
 اوتوری دکلدر بلکه بوججهان عالم حکمتدر و حکمت الهیهده مصلحت
 تدر یجده اولدیغیچون تدر یجمله یرادر آخرت عالم قدرت اولمغله آخرتده
 و جسته حق تعالی اهل جنتک ایستد کلرینی تیز جک یرادر کافرلر شویله
 زعم ایتدیلرکه حق تعالی یرلری و کوکلری خلق ایتدکده یورلدی دیدیلر
 حق تعالی انلری رد ایلدی تنه کیم یوردی * ولم یعی بخلقهن * یعنی
 حق تعالی مخلوقاتی یرا تمقده هیچ یورلدی و عاجز و ضعیف اولدی
 مصنف مرحوم ردائمه که اشارت ایلدی برسکجک بلکه برزده یرا تمغله
 بدی قات کوکلری ویدی قات یرلری و نیچه بونلر منلی عالم لری
 یرا تمق برابردر زیرا حق تعالی انک صفاتی کامله در و بو کائنات ممکناتدر
 برنسنه انک ذاتی بیوک و اغرا اولدن انی یرا تمق کوج اولق لازم کلز